

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

Laetitiae Perfectae Artificivm In Conscientiae Recta Efformatione  
inuentum, & per Adventvales Conciones expositum ac demonstratum

**Sarasa, Alfonsus Antonius de**

**Antverpiae, 1667**

§. II. Conscientiae certae, ad actionis alicujus praestationem obliganti,  
etiamsi erret, semper parendum esse ostenditur.

**urn:nbn:de:hbz:466:1-11367**

expediemus. Nunc verò id agendum est, quā ratione Conscientiæ, certò & sine hæsitatione vllâ aut formidine diiudicanti, sit obsequendum.

## §. II.

*Conscientiæ certæ, ad actionis alicuius præstationem obliganti,  
etiam si erret, semper parendum esse ostenditur.*

**A**Tque id præmittendum est, Conscientiam versari posse aut circa rem agendam, aut circa fugiendam & omittendam. Et quidem dum de exhibendâ actione agitur, iudicat sese ad id obstringi, actionemque à Deo esse præceptam: cùm verò de fugiendâ & omittendâ; iudicat eam esse aut prohibitam, aut verò permissam & licitam. Et quamvis vtriusque eadem sit ratio, claritatem tamen causâ primum hoc & sequenti paragrapho, tertio autem secundum expediemus.

*Parendum  
est Consci-  
entia obliganti  
etiam per er-  
orem.*

Primò igitur istud affero, quod si rem aliquam (quād quidem agere vel non agere, in tuo positum sit arbitrio) Conscientia certo iudicat aut exhibendam esse aut omittendam, voluntati onus parendi incumbere, à quo sese sine scelere non expedit, nisi Conscientiæ sic obliganti promptè obsequatur. Quod quidem adeò verum est, vt quamvis nulla esset Dei lex, aut præceptum vllum, quo ad ieunium obseruandum, exempli gratiâ hodierno die obstringeremur; istud tamen si Conscientia per errorem diiudicet, ieunii sacras esse ferias; nihilominus & illæ obseruandæ & à carnium esu abstinendum prorsus sit, non secùs quād si præceptum Dei aut Ecclesiæ tunc obstringeret. Obligat enim Conscientia, & legem denuntiat. Contrà verò, si lex Dei aut quævis alia verè rem imperet, Conscientia autem per errorem, vt vocant, inuincibilem, nullam legem de hâc aut illâ actione exhibendâ latam esse; aut si lata sit, hâc tamen sese hoc rerum statu non comprehendi certò iudicet; sine vlo crimine, Conscientiæ suæ obsequitur, & à legis onere, domestici tribunalis iudicio, absolvitur. Breuiter itaque dico, cùm de rei alicuius faciendæ obligatione disceptatur, semper Conscientiæ dictamini esse inhærendum, illudque mandandum executioni, siue iudicium

6.

7.

iudicium verum tulerit, siue falsum & malum, modò non malâ fide.

8. Et quidem si verè præceptum subsit, nemo ibit inficias, Conscientiæ tunc omnino parendum esse. Sic est inquires; ast tum non Conscientiæ sed legislatori obeditur; neque tunc temporis à Conscientiâ, sed à lege latâ oritur parendi obligatio. Fateor ita est: si obligationem remotam species, à legislatore nascitur obligandi vis; sed si proximam, legis nempè applicationem, sane à Conscientiâ rectè dicitur exoriri. Iuuat rem hanc ipsis D. Thomæ verbis expedire; è quibus fiet manifestum quâ ratione verum sit, ne Dei quidem legem, nisi per Conscientiam obligare. Dilucide rem explanat comparatione è vinculis, corporumque obligatione, eleganter petitâ. *Ita, inquit, se habet imperium alicuius gubernantis, ad ligandum in rebus voluntariis illo modo ligationis qui voluntati accidere potest, sicut se habet actio corporalis ad ligandum res corporales necessitate coactionis. Actio autem corporalis agentis, numquam inducit necessitatem in rem aliam, nisi per contactum coactionis ipsius ad rem, in quâ agit. Vnde nec ex imperio alicuius Regis, vel Domini ligatur aliquis, nisi imperium attingat ipsum cui imperatur: attingit autem ipsum per scientiam. Vnde nullus ligatur per præceptum aliquod, nisi mediante scientiâ illius præcepti. Et idè ille qui non est capax notitie, præcepto non ligatur. Nec aliquis ignorans præceptum Dei, ligatur ad præceptum facendum, nisi quatenus tenetur scire præceptum. Si autem non teneatur scire, nec sciatur, nullo modo ex præcepto ligatur. Sicut in corporalibus, agens corporale non agit nisi per contactum; ita & in spiritualibus, præceptum non ligat nisi per scientiam. Et idè sicut est eadem vis quâ tactus agit, & quâ virtus agentis agit, cum tactus non agat nisi virtute agentis; & virtus agentis, non nisi mediante tactu: ita eadem virtus est quâ præceptum ligat, & quâ Conscientia ligat; cum præceptum non liget nisi per virtutem Scientiæ, nec Scientia nisi per virtutem præcepti. Vnde cum Conscientia nihil aliud sit, quam applicatio notitie ad actum, constat quod Conscientia ligare dicitur, vi præcepti Diuini. Ergo dicendum quod homo non facit sibi legem; sed per actum suæ cognitionis quâ legem ab alio factam cognoscit, ligatur ad legem implendam. Ita Sanctus hic Doctor. Nihil sane poterat dici illustrius, ad declarandam totam rem, & præcipue vnde tanta sit, quæ à Conscientiâ voluntati imponitur, parendi necessitas.*

Obligandi  
vis quam  
habet Con-  
scientia, ab  
auctoritate  
& lege Dis-  
t.

Omnem à  
Dei lege exi-  
stere obli-  
gandi vno.

D.T.q.17.

de ver.a.3.

G 3

A 1

*Eandem  
vim habet  
Conscientia  
dum in pro-  
ponendâ lege  
Dei errat  
bonâ file.*

At quid si præceptum nullum sit inquires, an etiam erranti Conscientiæ præstanta est obedientia? & quo jure? Mox id vi-debimus. Præstandam verò prorsus esse, & erranti, quamdiu latet error, obsequendum esse, est Catholicorum omnium cum D. Thomâ, qui mentem suam variis exponit locis, constans stabilisque sententia. Adeò ut oppositam D. Thomas vocet *irrationabilem*; Adrianus verò & Corduba hæreticam, ut quæ D. Paulo, cuius sententiam mox referemus, manifestè aduersetur; neque ab hac censurâ abhorret Vasquez, ut qui eam dicit *hæreticam ab omnibus jure censi*. Quidquid de hæresi notâ sit, satis constat eam sine temeritate non posse defendi; neque etiam ab yllo Catholico scio jam propugnari. Ostendendum est igitur, ut clarè loquar (neque enim hæc iis solùm scribo qui Theologicis quæstionibus assuerti, generatim tantum assertiones sibi proponi postulant) ostendendū inquam, quòd qui peccatum esse judicat id, quod verè peccatum non est, ab eo si non abstinet, non minus se scelere malè apprehenso polluere, Deumque offendere, quām si re ipsâ Diuinis legibus esset prohibitum. Sic si ceræ particulam è templo ablataam profanis usibus applicare, furtum sacrilegum esse censueris; aut diem veneris cum Iouis die designatione tuâ commutaris, ac propterea eo die abstinentiam carnis judicaris; (quæ non nisi errantis Conscientiæ sunt iudicia) iis tamen ita voluntas constringitur, acsi veram de iis actionibus sententiam tulisset. Et qui mendacium nulli noxiū, lethale crimē esse statuit, profectò quoties mentitur, lethali sese criminī reddit obnoxium, quamdiu errore suo mens implicatur.

*Probatur ex  
S. Paulo.*

Et verò ipsissimum id esse D. Pauli dogma, ob quod contraria sententiam hæresis arguebat Adrianus, non renitente Vasquezio, hæc ipsius verba satis indicant. *Scio dñm confidō in Domino Jesu quia nihil commune per ipsum, nisi ei qui existimat quid commune esse; ipsi commune est.* Et aliquibus interjectis. *Tu fidem habes? penes temetipsum habe coram Deo. Beatus qui non iudicat semetipsum in eo quod probat. Qui autem discernit, si manducaverit, damnatus est, quia non ex fide. Omne autem quod non est ex fide, peccatum est.* Atque ut hujus oraculi sensus & vis melius percipiatur, istud est reuocandum in memoriam, plurima ciborum genera Israëliticæ genti Diuinâ lege fuisse prohibita, puta carnes porcinas, farcimina sanguine animalium farta, aliaque huius generis; quæ quia gentili-

9.

D.T.q.17.  
de verit.  
a.4.1.2. q.  
19.a.5. &  
6.  
Vasq int.  
2. disp.59.  
c.2.

10.

AdRom.  
14.v.14.

v.2.2.

gentilibus erant promiscuè vſitata, *Communia* dicebantur à Iudeis, aut etiam *immunda*: ſicque, *Commune* aut *immundum*, non aliud Iudeis significabat, quām vetitum. Iam verò Christianos inter, qui ex Iudaismo Christi ſacra ſuſceperant, plurimi existimabant, ſeſe etiam Baptismo jam ſuſcepto, nihilominus a gentilium cibis prohiberi: aut quod iudicarent antiquatæ legis ceremoniis adhuc implicari ſe; aut ſanè cibos illos eſſe vetitos, quod naturā ſuā verè *immundi* eſſent; & ſpurcitem quādam naturæ contrariaſ continerent. Ut vt ſit, manifesto tenebantur errore, & nihilominus ita ſententiæ mordicus adhærebant, ut Christianos alios Iudeos, ſine diſcrimine vlo cibis gentilium vſcen-tes contemnerent, ſceleris arguerent, & ob inolitam ab ipsâ infantia ab eiusmodi cibis alienationem animi, etiam iis ſine criminе nunc vrentes, non ſine magno Christianæ charitatis de-trimento & labore, publicè quoque auerſarentur. Huic incommodo occurrit Apostolus, &c, inquit, *ſcio & confido, id eſt fidenter aſſero,* nihil commune, id eſt nullum cibum Christianis prohibitum eſſe per ipsum, id eſt per Christi legem. Ei verò qui exiſtimat quid commune eſſe, aut prohibitum, *ipſi commune id eſt*, hoc eſt, prohibitum. Tum verò eos qui erranti Conſcientiæ tantopere inhæ-rebant, aggrediens, *Tu fidem habes*, inquit? id eſt, Tu tuam ha-bes Conſcientiam cui obſequeris? Ita ſit. Sed *penes temetipſum habe coram Deo*; hoc eſt, ſecundūm tuę Conſcientiæ dictamen actiones tuas moderare, ſed ne dirige, aut cura, aut judica alienas; felicior enim eſt, qui ſeipſum non condennat, neque ſcrupulos dum comedit mouet, neque ullum diſcrimen cibis inter-jicit. *Qui autem diſcernit*, hoc eſt qui differentiam facit cibos in-ter, quaſi vetiti quidam eſſent, quidam autem permiſſi, & nihilominus promiscuè iis vſcitur, *damnatus eſt, quia non ex fide*, id eſt non ex Conſcientiæ dictamine cibis vtitur. Atque hæc omnia demum concludit peruulgatissimā illā ſententiā, *Omne autem quod non eſt ex fide, peccatum eſt*: id eſt, omne quod non eſt ex Conſcientiā, aut ut paſſim dicimus, quod non fit bonā fide, pec-catum eſt. Per fidem autem, Conſcientiam intelligi, mens eſt paſſim Sanctorum Patrum. Certè de fide Christianā quā Christo creditur h̄c non agi, ex ipſo ſententiæ contextu patet: neque ſanè ultima primis ſatis apte cohærerent. Vides itaque h̄c, Christianos, per merum errorem, malè de ciborum delectu judi-cantes;

*Expoſitio D.  
Pauli.*

cartes; & tamen etiam non prohibitis vescentes, *condemnatos* dici ab Apostolo, hoc est lethali crimi*n obnoxios*; non quod Diuinæ legis imperium infregissent, sed quod Conscientiæ dictamini, quantumcumque errantibus non essent obsecuti. Planum itaque jam est, & D. Pauli auctoritate obsignatum, Conscientiam, etiam errantem, jus dicere, cui obluctari temerarium non tantum sit, sed & nefarium.

II.

Inquiritur  
vnde Con-  
scientia er-  
rantis tanta  
sit auctori-  
tas.

Verum inquires, vnde tanta obuenit Conscientiæ auctoritas, vt contra se, etiam dum errat agentem, lethalis criminis statuat reum, æternisque suppliciis obnoxium? an tanti momenti res est sola Conscientiæ lex infracta? Sola inquam; nam ut supponimus, errat Conscientia, & præceptum Dei singit, quod nusquam est.

Hic ratio petitur, & jus obligantis per errorem Conscientiæ. Re-  
spondet P. Scildere, quod forma per se formaliter obligans voluntatem, semper sequenda est: cum impossibile sit, ut forma obligatoria sit in subiecto, it non obliget. Atqui forma formaliter obligans, non est aliud quam Conscientia .... ergo illa semper sequenda est. Ita ille.

Scildere  
Tract. i.  
de Consc.

Alii passim dicunt, rationem à priori esse, quia rationis dictamen seu Conscientia, est immediata humanorum actuum regula: ideoque voluntas debet sive conformari regule; it discordans à regulâ suâ defletit, atque adeò peccabit. Verum vt hæc dicantur non omnino incongrue; tamen non prorsus satisfaciunt. Fortassis enim negare quis posset, Conscientiam errantem esse formam formaliter obligantem; hoc enim probandum erat, cum in eo stet omnis controvèrsia. Nam si vt paulò antè ex D. Thomâ diximus Conscientia tantum liget vi præcepti Diuinæ, à quo virtutem seu vim obligandi omnem accipit, vt idem Doctor egregie exponit, quo pacto formaliter obligabit, vbi præceptum Dei nullum est? Rursus si vt idem Doctor, dicendum quod homo non facit sibi legem, sed per actum cognitionis quæ legem ab alio factam cognoscit, ligatur ad legem implendam, quo jure obstringi dicetur voluntas à Conscientiâ, quæ legem à Deo factam non cognoscit, sed ipsam legem sibi per errorem facit? Deinde, vt cumque adhuc aliqua sit voluntatis ad obsequendum Conscientiæ erranti obligatio, an illa ex naturâ suâ tanta est, vt debeat æternis ignibus castigari? Certè si aliqua Conscientiæ lex est, humana tantummodo videtur, nec tantis suppliciis, si infringatur, expianda. Neque refert quod judicet actionem suam à Deo prohibitam, atque adeò non minori dignam suppli-

Proponun-  
tur quedam  
difficultates,  
contra alle-  
gatas ratio-  
nes.

## DE CONSCIENTIA CERTA, ETIAMSISIT ERRONEA. 57

Scildere  
tract. i. de  
Consc. n.  
15. & 18.

suppicio : falsò enim primum istud judicat ; neque enim prohibetur nisi ab errante Conscientiâ ; quæ si sibi lex est , certè humana est ; & vt præclarè P. Scildere. *Legislatores humani non solent imponere pœnas , nisi transgressoribus veræ legis.* Vnde inquit & rectè. *Is qui falsò putat alicui aetui annexam esse excommunicationem , & illum ponit , non incurrit excommunicationem.* Hæc cùm ita sint , cur suppicii æterni erit reus , qui actum posuit quem pœnis illis esse obnoxium falsò judicabat ? Alterum verò quod afferebatur , nimirum Conscientiæ sine scelere non obtemperari , eò quod ipsa sit immediata humanorum actuum regula ; fateor ita esse , cùm superior Dei lex actioni facienda verè applicatur. At , quam demum Dei legem Conscientia errans volunèati applicat , vbi nullum , vt supponitur , præceptum Dei de hâc actione ponendâ , puta de seruando jejunio diè jouis , sit , & vt D. Thomas ait : *Homo non faciat sibi legem , sed per actum cognitionis quâ legem ab alio factam cognoscit , ligetur ad legem implendam ?* Atque hæc quidem non idcirco attuli , quod a grauissimorum Thæologorum judicio velim discedere , sed vt difficultatibus propositis magis dilucidetur tota res. Hoc vt agam , aliâ lubet viâ insistere.

12. Fateor itaque , à Conscientiâ , etiam errante , obligationem existere , eamque esse proximam & immediatam humanorum actuum regulam , cui penitus obsequendum sit : At verò obligandi jus , non à Conscientiæ naturâ aut dignitate ; sed à legislatoris Dei auctoritate penitus prouenire affero , cuius lex & imperium à Conscientiâ solâ , voluntati humanæ legitimè denuntiatur. Itaque si ab alieno abstinentias esse manus judicat Conscientia , illi judicio prorsùs acquiescere tenetur voluntas : eiisque dum paret , Deo paret , cuius veram legitimamque legem voluntati exhibuit Conscientia. Iam verò , cùm res aliqua quasi à Deo præcepta , quæ tamen minimè præcepta est , à Conscientiâ proponitur , istud cùm discernere voluntas minimè possit , sanè si rem sic propositam non exequatur , eiisque se exhibeat refractariam ; satis reipsâ jam demonstrat , se Imperia Dei flocci pendere , & legislatoris contemnere auctoritatem , etiamsi verum esset , quod à Conscientiâ falsò proponitur , Dei imperium. Non enim alio modo exhiberetur voluntati si verum esset præceptum , quâm quod nunc id quod falso est , per errorem exhibetur. Hinc optimè D. Tho-

*Resolutio ,  
totam Con-  
scientia obli-  
gantur vix ,  
etiam cum  
errat , à Dei  
auctoritate  
esse , etiamsi  
non sit Dei  
lex que pro-  
ponitur.*

H mas

D. T. de  
rexit. q.  
17. a. 4.

mas: *Non igitur propter hoc Conscientia* ( scilicet errans ) *dicitur ad aliquid ligare, quod si illud fiat ex tali Conscientia, bonum sit* ( si cæteroquin malum sit aut indifferens , vt mox se explicat ) *sed quia si non fiat, peccatum incurritur.* At ex quo capite, cùm non sit lata lex ? Audi. *Non videtur autem possibile, quod aliquis peccatum evadat, si Conscientia quantumcumque errans dicit et aliquid esse preceptum Dei, quod est indifferens sive per se malum, si contrarium tali Conscientia manente agere disponat.* *Quantum enim ex se est, ex hoc ipso habet voluntatem legem Dei non obseruandi, unde mortaliter peccat.* Sic ergo, qui die jouis quèm credit esse veneris, Conscientiâ licet per errorem denuntiante abstinentiam esse carnibus , iis nihilominus vescitur, ita constitutus est animo , vt legitimum imperium seu Dei seu Ecclesiæ excussurus sit , si verò veneris die mandatum proponatur , non aliter sanè quam nunc voluntati proponendum. Et sic verè & propriè voluntati Diuinæ humana refragatur, non quidem illi quâ die jouis abstineri vult à carnibus, nam id verè non vult ; sed quâ auctoritatem suam non patitur pessum dari, voluntatemque diuinam contemni, etiamsi per errorem Conscientiæ, alia quam sit, animæ proponatur. Sic sanè qui per errorem, aulicum habet ludibrio, quem sibi Regem esse alienus error persuaserat, Regem ipsum contumeliâ affecisse censendus est. Et qui Regis mandata & litteras, de quarum fide non dubitat, ut potè quæ sigillo solito munitæ sunt, & eius qui ab epistolis est conscriptæ manu, nihilominus abjicit & contemnit; eandem Regi iniuriam impegnisse dicitur, seu veræ fuerint Regis litteræ, seu per errorem à Scribâ confictæ. Sic ergo, integra stat Conscientiæ etiam erranti auctoritas; quam illa non à se , sed ab ipso Deo habet; cùm eius imperia voluntati repræsentare , legitimum Conscientiæ sit officium. Voluntatis autem cùm non sit, vera à falsis discernere ; certè eadem semper est , Conscientiæ mandata Dei deferentis auctoritas, atque eadem voluntatis, ei obsequendi obligatio. Falli igitur vt possit Conscientia, voluntas tamen errare minimè potest ; cùm sese semper Diuinæ, quæ per Conscientiam repræsentatur, auctoritati accommodet & subjiciat : sin minus, eam potius, quam Conscientiam suam contemnat ac vilipendat ; quod prorsùs est nefarium.

§. III.

